

<County: Yorkshire West Riding>

<Code: L0349>

<MS reference: Leeds, Yorkshire Archeological Society, DD 12/II/3/9/16 (1)>

<Text: Award>

yis byll recordys yat yer~ was varyance and debate had be-twyxe Bryan~ of Thornhyll and Jon~ of
 Fryth For certan~ landes rentys and *seruyce* and *huder* accyons and qwa^[r]hels ye sayd
 partes wer~ compremytte to abyde in ye ordynance of all ye sayd maters of Jon~ lacy and *sir*
 Thomas Streng~ yai w^t gude delyberacion~ and w^t assent of ye sayd partes made a-ward
 and a+full acorde yat yer~ as ye sayd Jon of Fryth pretende hym tytyll to be lord in men~ of certan~
 landes and tenymentes w^t-in ye town~ of Rastryke ye qwylke ye sayd
 Bryan had in occupacion~ as for hys frehald and suche euytance schewyd as he held no+maner of
 lande of ye sayd Jon~ of Fryth bot of ye hed lord qwerfor ye sayd
 howmpers gafe award yat ye sayd Bryan suld pay hys rente and hys *seruyce* to ye hed lord in lyke
 wys as hys euydence speke Morouer yer as ye sayd Jon~
 Fryth pretende hym~ tytyll to haf a+close in ye sayd town~ buttynge on~ ye castyll hyll ye qwylk ye
 sayd Bryan~ occupyd as hys hawn~ and swylke euydence
 of hyt schewyd so as ye sayd howmpers mad a full a-ward yat he suld hyt restfully reioyse and ye
 sayd Jon@ Fryth hys chalence to wayfe . ^[for euer<?>] Morouer yer as ye
 sayd Bryan~ pretend hym~ tytyll to haf a close lygyng in ye sowth parte of Rastryke mor~ ye
 qwylke ye sayd Jon~ Fryth occupyd as hys hawn~ ye sayd
 Jon~ saynge and gret chalence a-pon~ hyt mad yat he payd to hed lord mor~ rente yen hym~ aght~
 to pay ye qwylke sofftyl hyt ye sayd Bryan~ in hys payment
 as for landes yat yai both held be ye logher@ tenor@ qwerfor ye sayd howmpers putte yis sayd
 cloyse and yis sayd rente in yis fowrom~ yat ye Jon~ of Fryth
 suld occupy yis sayd cloyse and yis sayd rente for to pay in lyke wys as he had don~ a-for tym~
 qwyll yat ye sayd Bryan~ and ye sayd Jon~ both lykyd
 and ~~he~~ at qwycche tym~ as hawder of yam~ myslykyd ye sayd Bryan~ to suffyr~ ye sayd Jon~ to
 occupy ye sayd cloyse ~~at~~ or ye sayd Jon~ to pay ye sayd ferme
 as for ye land of ye logher~ tenor wele hyt is leffull to hawder of yam~ restfully and pessable to
 entyr~ a playnte in wakfeld cowrte and yer-for to
 passe by twelfe of ye lordes tenandes yis awarde full gyfen~ and mad be ye sayd howmpers and also
 be full a-grement of ye sayd partes and to
 yat ye sayd Jon~ lacy & ye sayd *sir* Thomas Streng~ has sett to yar~ sell